

古今醫史

續增古今醫史

古吳浩然王宏翰惠源甫著輯

明

劉基

劉基字伯溫浙江青田人博學通天文地理三教九流百
技之書天資穎敏過日不忘識天子於塵俗佐太祖創帝
業其勲名不在子房孔明下封國公食祿三千石辟改封
誠意伯嘗謂民生日用之書先五倫次醫方次易數三者
為民立身立民之本不可不教教而廣其傳也有經驗免
醫方多能部事等書行世

戴元禮

戴元禮名思恭號復菴金壇人丹溪弟子傳學精醫洪武
中初仕太醫院御醫事太祖藥餌輒效風雨免朝文皇即位
以舊恩陞院使及荐蔣用文入院會談喜曰吾儒為醫
茲求其昌吾道矣初文皇患痲韓公懋等治不效問所用
藥禮曰是也問文皇嗜何物曰生芹禮曰得之矣投一劑
夜暴下視皆細蝗遂愈有妃嗜燒酒腹痛治既愈曰十年
後復發不治後果腹痛死著有訂證丹溪金匱勾玄三卷
證治要法證治類方若干卷行世

嘗謂醫道本于內經一壞於開元再壞於大觀沿習局
方惡習內經惟劉朱李得蔑內經之學

王仲光

王賓字仲光吳郡人隱居不仕自壞其而貌終身獨居留
心醫藥郡守往訪避而不見北廣孝貴婦來訪亦不見真
高潔士也願從原禮受方書禮索賓師事不肯一日詣原
禮值他出有書八冊在案賓袖去禮婦驚嘆自失賓臨終
以書授威啟東韓叔暘

威啟東

威啟東名寅吳縣人少習舉業五試弗利遂學醫受業于
原禮得傳秘學治病多奇效永樂時徵為太醫院御醫太
宗召入官診后奏六脉離解將近分解果得一太子遷為

古今醫史

續增

二

院使著有醫林黃治傷寒六經證辨二書行世

蔣用文

蔣用文名武生句容人少明敏及長博覽經籍精醫學而造其妙治療奇效名著四方事母孝永樂間為太醫院判仁宗問保和之要對曰在養心氣正氣旺邪氣無由而入是亦王道之說也所著有治效方書

何彥徵

何淵字彥徵丹徒人號以行世業醫至淵尤精永樂間徵為太醫院使

吳東園

吳東園元末明初人也精幼科著痘症要訣行世

劉純

劉純字中厚閩中人世業醫父受業于丹溪之門及純醫名大著所纂傷寒治例玉机微義醫經小學三書行世

沈繹

沈繹字誠章吳郡人洪武中肅王疾召診問知平日嗜乳酪只烹濃茶飲之而愈王同對曰茶能滌腸中之膩故也王神其術奏授本府太醫院院使

臞仙

臞仙明太祖子第十六子名權封寧獻王幼敏穎有過人

古今醫史

賈曾明

之資經史諸子百氏之書無不博覽過目輒能解以生物
為心獨精於醫方嘗謂人與物均稟化於太君榮悴之理
則一人之有身也七情交派於內六淫相感於外而疾生
焉苟不濟以醫藥則猶顛危而不知扶持也其可乎哉晚
慕冲莽自號曜仙頗為方士所惑有丹房之講所著庚辛
玉冊一書內有療病藥石其餘皆丹房之說有活人心生
方乾坤生意四卷肘後等方行世

韓懋

韓懋號飛道人西蜀人瀘州人武職世家心存仁愛好讀
書上慕太古之風弘治成化時為耆生因不第衣纓掖往

岷嶺諸山訪醫究活人之術所著疾火等論二卷有以參
先聖之蘊也又著韓氏醫通及方外奇才等書

祝仲寧

祝仲寧號橘泉四明人世業醫仲寧益精按證用藥有起
見多獲奇功永樂間召至太醫院京師縉紳咸敬服之璽
懷程敏政尚書公為之傳

黃濟

黃濟字世仁餘姚人孝子業醫盡其妙景泰間以孝行聞
詔旌其門

張養正

張頤字養正吳下人造精微弘治間一教輸贏疾錯醫議
三白湯澄以用之因効後求養正治之亦用三白湯只投
熟附子二三片即愈 中年以替廢而氣岸峭直周忠襄
公巡撫吳中賓禮之其醫以護氣保元為主家劑多用參
朮每着奇効能預人生死往往奇中王養為之傳

陶 華

陶華字尚父號節菴餘姚人邃究傷寒著有瑣言殺車提
一提金明理論家秘載江綱謂之傷寒六書正統間被徵
引疾歸時論高之又著傷寒金生集傷寒治例點金段
段錦全生即六書辨論篇次治例點金文皆雷同實六

六書又分為三書也 治傷寒四五日吐血不止醫為犀
角地黃湯等治之反劇陶切其脉得緊而數若不汗邪由
何而解遂用麻黃湯一服汗出而愈 朱克柔按衄家亡
血家不可汗而今因汗而血止血因邪熱所致也若泥不
可汗之說病必不解揔之醫道神妙不測主學耆臨時變
通耳

韓 奕 韓 奕

韓奕字公望韓奕字公達皆韓凝子姑蘇人永樂時俱為
御醫

黃端字楚祥號熙春少孤承母訓業儒既而曰醫者仁術也苟能精之上可以事君下可以濟人利物遂深究素難之旨以醫名於淮揚正統初徵為太醫景泰間院使董宿荐于上侍藥有功廣收四方名士聚闕下務以保和聖躬為己仕成化中遷南京太醫院

吳漢

吳漢字源潔昆陵人登永樂間進士仕至禮部尚書性好醫得一藥一方之良自錄之所集既富名曰衛生易簡方具表以進之奉旨刊行世或云奉命巡歷四方耳目所遇有利于民者奏而行之永集獲勅良方列為十二卷名

曰衛生易簡方

王 綸

王綸字汝言號節齋浙之慈溪人成化進士仕禮部郎中
遷都御史篤好醫方而有心得之妙謂今人治痰例用二
陳湯綸則不然謂半夏辛燥惟可以療風濕之痰散而已
若老痰痰火則非所宜而反致其害故制老痰丸方深得
痰火之旨惜乎過謂人參殺人勞怯此不可用以致今之
人固執重之之誤曷可勝言著有本草集要明醫雜著二
書慶丹溪所未慶方古菴重刻于心法之後名曰丹溪附
錄元經舉進士亦知醫

劉敏

劉敏字德美號益齋長洲人幼孤業儒精醫理士大夫薦於朝

鄒福

鄒福字魯濟臨寧人察脉逆知生死立方簡當不多品而効愈奇所集効驗良方十卷行世

顧俊

顧俊字時雍長洲人世醫至俊尤善一以丹溪為法

董宿

董宿四明人正統間為太醫院使治療立方輒有奇効故

輯奇効良方七十卷今行於世

郁震 郁性定

郁震字鼎文常熟人世業醫至震讀書當氣節初以醫名徽至京後從偏師經畧西域諸國有功賜三品職授蘇州醫學正科著有醫書纂要等集弟性定字鼎志亦善醫人稱二難

李濂

李濂字俊義號醫學廣博集歷代名醫著醫史十卷梓行于世此書失傳矣

許堪

古今醫史

續增

明

許堪字季太倉人少從王安道遊博覽儒書深究醫理自號姜愚有姜愚稿野情集二書

陶 浩

陶浩字巨源太倉人數起奇症有藥素藏於家

周 楨

周楨字子洪先道州人徙居太倉名常誼號洪武正韻十六卷

唐 椿

唐椿字尚齡號恕齋嘉定人世為醫官至椿尤精博極群書念醫學浩翰後學者有望洋之嘆因蒐集諸家精要附

以已意編集成集名原病集要二十卷人多宗之

唐 煥

唐煥字德明號東谷恕齊之姪天資明敏能繼先業精於脉理察虛實定決生死如執右契名著當時

盧 志

盧志字宗尸號丹谷太倉人自曾祖佐以下俱隸太醫院至志尤精為時所宗歷官院判奉旨纂修本草并著醫學百問脉家典要增定醫學綱目等書

周文采

周文采興府良醫得內經之要旨該究諸代方書治療盡

古今醫史 卷八
効唐宗命選効奇方文系編次功多至世重頒行天下名
方選要

薛 己

薛己字新甫號立齋鎡之子吳郡人性敏識見過人于醫
先精外科復精內科謂十三科要皆一理因見外科之醫
固執局方不循表裡虛實經絡之宜而誤人者衆遂大廢
所蘊皆以內外合一之道對證康方治療隨手而愈其論
風會不齊今人虛薄痛或寒涼多行溫補嘉靖初徵為太
醫院使著有外科心法外科發揮外科精義外科樞要癰
疽灸經癰瘍機要保嬰萃要家居醫錄內科摘要又註掃

人良方等書凡十餘種

沈 毅

沈毅字善卿嘉定人世為太醫院判局後得閑將仕家傳
遂業小兒科擅一時之勝弟璉字秀卿讀書好禮与兄齊
名

許 紳

許紳字大章號警菴順天人少習儒既成棄去究心醫術
深與軒岐奧者自漢唐以下諸名家論說固不參考故診
視輒有奇効累陞禮部尚書贈太子太保恩封三代謚恭
僖

何柏齋

何柏齋名塘河內人弘治康海榜進士著傷寒三陽咳嗽相火等書其集曰柏齋三書

程介

程介字文玉號松崖新安槐塘人登成化甲辰科李昱榜進士為人愷悌心存仁愛精醫著有松崖醫經四卷

盛瑞明

盛瑞明號玉華子潮陽人登弘治壬戌科進士篤好醫方求療者不分貴賤即與衆官禮尚書著有醫抄一百四十卷并撮要等書

顧惠岩

顧惠岩名可學無錫人登弘治己丑科進士篤好醫方長
要并秋石紅鉛進上擢禮部尚書年八十餘髭鬚未白

孫東穀

孫東穀名應全洛陽人登正德辛巳科進士仕至戶部尚
書好醫以活人為心著有醫家大法大旨必用等書若干
卷

虞博

虞博字天民號恒德老人正德時浙之義烏人世業醫天
民幼穎悟承家傳之學深參靈素治療益高晚年著有醫

學正傳今行世

陸彥功

陸彥功新安歙縣人世為醫名彥功益著徵為太醫院辭歸編述傷寒類證便覽十卷今行世

方廣

方廣字約之號古菴嘉靖時新安休寧人博學精醫常遊何洛寓陳雷名著中原所集丹溪心法附餘脈集證治傷寒地理等書行世

傅滋

傅滋字時澤號浚川浙之義烏人敏穎博學醫甚精不自

足著醫學集成醫學權輿二書行世

汪 渭

汪渭字以望人稱古朴先生新安祁門人少習儒精醫學
存心濟物活人甚多

徐杏莊

徐杏莊名偉其先姑蘇人世業儒醫涉龍北上累世官太
醫院至公尤精妙侍世宗用藥輒建天和筭權銀臺通政
司賦性仁厚儀容溫雅有因七情而感疾者諸醫不能治
公先慰之以善言次投之以藥餌而陳痼久疾罔不即愈

王 典

王典字邦貢號意菴新安祁門人篤志學古群力詩文究
素向得醫之奧治療神効嘉靖中授太醫院入聖濟殿太
子有功陞御醫著有醫學辟金

汪官

汪官字子良號心穀新安祁門人機之族彥功從兄寧習
舉子業頓悟夙成後棄儒就醫潛心靈素有神領心得之
妙如質尺寸等論可見矣為人質直不以有學日矜著醫
學質疑統屬診法證治要畧等書行世

陳景魁

陳景魁字叔旦號斗石以孝聞幼習舉業授業于陸秋崖

因父病習醫華遂臻精妙求療者以南北異宜治之輒效
咸敬服之著有五診集後授王府良醫竟不赴每作詩文
以樂其志真州人

皇甫中

皇甫中號雲洲杭州仁和人世醫中尤著名著明醫指掌
十卷以浮沉遲數滑澀大緩為八脉之要表裏虛實寒熱
邪正為八要之名編次病門有歌有論之後列方灼然簡
便可為後

邵應節

邵應節嘉靖間以七寶美髯丹進御世宗服之連生皇子

古今醫史

續增

明

三

此方盛行於世

殷渠

殷渠字度卿號方山真人真州人世業醫至渠尤精叩醫
于耆老大年老醫術精妙深究軒岐之秘門年向病者憤
然以其巧于古今聖賢之旨盡以授渠二遂珍疾如響應
焉

方一誠

方一誠號長塘歙縣人醫有真見用方簡當年雖老視疾
劑劑極其精妙

吳顯宗

吳顯忠字用良號雪窗休寧人忠性好醫以載人汗吐下
法而補之以利溫和方足以盡其醫道之妙名曰醫學權
衡行世

程明祐

程明祐字良言號岩泉新安歙邑巖鎮人精醫得造其妙
方立論病與合內經之旨濟眾甚多常論人皆知補之為
補而不知瀉之為補知瀉之為瀉而不知補也之為瀉陰
陽迭用剛柔互體故補血以養營非順氣則血凝補氣以
助衛非活血則氣滯蓋脾為中州水火交濟而後生芻物
真妙論也

古今醫史

續坤

明

三

程明助

程明助字良輔明祐第以儒通醫遵河間丹溪之法

吳東園

吳東園元末明初人善醫著有痘疹要訣

周憲王

周憲王諱有煥號誠齋周定王長子明太祖之孫也明醫理詳靈素嘗念旱澇民飢咨訪野老田夫著由救荒本草四卷大有裨益于民又集普濟袖珍方等二書行世

徐彥純

徐彥純字用誠丹溪弟子洪武時山陰人也著本草度擇

三卷

婁英

婁英字全善永樂間蕭山人以通儒就醫老完仲景諸家之法著醫掌綱目四十卷內有傷寒四卷王肯堂準繩採取之稱其叙次甚明可為後學之式

吳綬

吳綬錢塘人弘治時官太醫院判世業醫幼傷父訪師窮究得其微奧著傷寒蘊要八卷

方有執

方有執字中行新安歙縣人深究醫理論仲景傷寒書為

古今醫史

續增

明

出

王叔和編次混亂逐一詳論條分縷晰著有傷寒條辨八
卷行世喻嘉言程郊倩皆宗之

錢 寶

錢寶字復齋永樂時京口人詩字皆工尤精於醫所著醫
案及運氣說二書行世子屋丹能繼其業

李 濂

李濂字浚義著古今醫史十卷

薛 鎰

薛鎰吳郡人世為外科兼理幼科著保嬰撮要金鏡錄世

楊維州

楊維州字三衢萬歷年間人也醫善針灸著有衛生針灸
玄機秘要三卷行世

汪 機

汪機字省之號石山居士汪渭之子邑庠生習父業得其
精妙郡人求治多效曰益眾居士弗容既而曰仕不至相
其澤之所及不若醫之博也遂棄就醫肆力于素難諸書
歷紀所療為石山醫案編針灸次素問鈔運氣見覽推求
師意痘疹理辨本草會編針灸問答醫學原理傷寒選錄
外科理條例等書行世

吳勉學

吳勉學字師古新安人明醫理博究郡書著有校訂朱肱活人書又與鮑士奇校刻華陀中藏經等書

杜清碧

杜清碧深明仲景之法著有傷寒金鏡錄辨舌胎三十六種詳細極精王宇泰尊信之

徐春甫

徐春甫字東皋新安人少通儒博綜群書究靈素仲景之旨盡得其妙嘉靖時官太醫名于京成國公朱希忠服其術著古今醫統一百卷湯世隆沈蛟門為之序

陳嘉謨

陳嘉謨字廷采祁門人醫造精微達藥性著有本草蒙生
十二卷做王節齋集要編集每種先圖形次具氣味及產
采頗有發明

王肯堂

王肯堂字宇泰號念西居士金壇人嘉靖進士選讀中秘
書有文集行世性好醫致仕後延請名醫講究醫學博讀
靈素仲景東垣河間丹溪諸家之旨著傷寒雜證類方女
科幼科外科書名證治準繩六種極其廣博又醫鏡一冊
論辨詳悉可為後學之宗

繆希雍

繆希雍字仲醇號慕臺天啓間東吳海虞人醫理精奧治
療有異識興王宇泰文善凡宇泰所輯諸書仲醇皆參訂
焉著有本草經疏三十卷廣筆記二卷仲醇平日每服
滋補丸多至數兩歲熱不已投涼解藥有如無減沉困不
止肯堂用蓄血法治之方煎次仲醇醇聞氣日一何香也
飲已而熱退明日下黑糞斗許而愈

吳 崑

吳崑字鶴舉新安人以儒通醫窮究有年闡發內經注釋
素問又輯醫方考二書行世

馬 時

馬蒔字仲化號玄臺子會稽庠生萬曆時為太醫院正文
精達醫理靈素一書文深理奧仲化詳究明備為三註釋
後學賴之又有註釋難經行世

魏桂岩

魏直字桂岩嘉靖時蕭山人精幼科尤工痘疹出獨見立
論謂痘變黑歸腎之非以志郡疑釋毛甲骨牙之毒示人
勿罹其害製保元湯以固本水楊湯以宣和氣皆發前人
之未言著博愛心鑑二卷行世後人謂其不分寒熱虛實
概以保元湯為主噴桂岩若遇實症亦執泥于補耳

萬全

萬全字密齋羅田人素幼科尤精痘疹陰慶間著有痘疹心法十二卷行世議論切當幼科家尊信之其書盛行於世

趙燁 彭瑞吾

趙燁字熙齋平原人彭瑞吾字嵩螺夏邑人皆精痘科萬曆間將萬全痘疹心法回痘疹玉髓合刻為一名曰痘疹全書

楊中江 黃石峯 李少陽

右三人未詳萬全痘疹心法引其議論豈皆精于幼科無著述垂後歟

李樓

李樓不知何郡人推究奇病搜集異方纂恢症奇方一書
時珍綱目采之

胡重禮

胡重禮真州人以醫名世

屠鵬

屠鵬不知何郡人王宇泰傷寒凡例內引之其必有著述
惜無傳耳

聞人規

聞人規不知何時人著有痘疹八十論散見痘疹各書

古今醫史

續增

侯維漢

侯維漢古滕人業幼科精痘疹萬曆間著有痘疹一班書

李言聞

李言聞字子郁號月池蘄州人博學精醫著四診彙明八卷并痘疹症治人參艾葉傳行世

李時珍

李時珍時東璧號瀕湖月池子也萬曆間仕四川蓬溪縣博綜郡書深得奧旨蒐羅海內奇書未釋諸子百家之言性善好學研究軒岐彙集諸家本草深得奧旨著有本草綱目五十二卷瀕湖脉訣一冊等行於世

舊本本草藥共一千五百十八種增藥三百七拾四種
共一千八百九十二種又附單方八千一百六十此書
猶龍宮海藏珍寶悉備詳考即藥如冰壺玉鑑毛髮絨
毫畢見真本草之集大成者也予名建元亦通醫仕雲
南永昌府通判曾奏進綱目于萬曆朝

趙獻可

趙獻可字養葵精醫術明靈素詳究精微發明君相二大
著醫貫一書却邪遺稿四卷行世

王宗顯

王宗顯准陰人著醫方捷往四卷此書便初學鄉醫

古今醫史

續增明

九

程式

程式字若水建武人通醫道明方藥著醫彙集古行世後學賴之

徐鳳

徐鳳字廷瑞信州人明針灸著週身經穴賦

徐廷鳳

徐廷鳳杭州人世業醫工針砭之妙著有針灸大全七卷載金針賦最晰針法便益後人

王璽

王璽成化時人也官都督府學明醫著有醫林集要十卷

俞子容

俞子容號約齋姑蘇人通醫理著有續醫說脉症方要十二卷行世

劉全備

劉全備字克明柯城人習醫好學著有編註病機編註藥性二書

程伊

程伊字宗衡新安人淮府良醫著醫林史傳外科拾遺等

熊宗立

熊宗立字道軒號勿菴子建陽人成化時從劉剡學兼通

古今醫史

續增

明

二十

陰陽卜筮之術注難經及脉訣撰集性賦補遺集婦人良方彙編錢氏小兒方論梓行於世

程嘉祥

程嘉祥字少岐婺源人性聰慧善幼科著有痘疹秘妙集行世

汗枕

汗枕字益敬號孝菴古歙人因体弱及母病習醫著有折肱錄

許國楨

許國楨字進三世醫國力學名益著至翰海留寺掌醫藥

巴應奎

巴應奎字西野新安人善醫嘉靖時將成云已傷寒明理
論增補三十一篇行世

王時勉

王時勉吳郡人觀色察脉能預言人疾病

劉 毓

劉毓字德美號並全金陵人徙吳之長洲人業儒既成不
志進養乃學醫荐為太醫善用丹溪之法

張致和

張致和吳郡人精醫治療通變不拘泥方治遠近就醫云

古今醫史

續增 明

世

不獲効

傅 傳

殷傳字朝相號壺仙永州人善醫治療多效

劉遵道

劉遵道草內先生族弟醫有機變一漁人誤吞鈎鉤刺以蠟熔為丸繫線灌下鈎銳入蠟即曳而出

周漢卿

周漢卿松陽人善針灸治一女子生瘰癧環頸及腋凡十九竅竅破白瀝出古手拘攣不可動身體大熱公為剔竅每長二寸其餘以火涼次第烙之數日成痂而愈一人背

偃倭曲杖而行人以瘋治之公曰非風也血滯不行耳為針兩足崑崙穴兩之投杖而去

李挺

李挺萬曆年間南豐人也精醫彙集雜症廣采諸方著有醫學入門七卷

江瓘

江瓘字篁南萬曆間新都人名醫類案本父棄世子應宿字南仲世其業得遺稿梓于世

江應宿

江應宿字南仲瓘之子也棄儒學醫承父業搜集歷代醫

古今醫史

續增

廿二

素十二卷

張介賓

張介賓字會卿景岳子號也會稽人博通諸書精達醫理將靈樞素問合而為一分門別類名曰類經倣滑氏素問鈔區為十二類編分三十二卷梓行于世又集雜症方書六十四卷其中論病亦有發明因年來未及付梓康熙四十年年伊甥怡為刊刻名景岳全書

龔信

龔信金谿人通儒明醫萬曆時著有古今醫鑑八卷

龔廷賢

龔廷賢字子才號雲林信之子習父業崇禎朝太醫院吏目著有萬病回春八卷壽世

王國臣

王國臣字仰菴雲間華亭人也性端方好學兼精醫理士大夫重之子廷爵字君惠號蒲村承父學隱居蒲溪更明天文度数起微性學博精醫理凡遇七情染症穢疫流行開導世事虛偽病人能悔過遷善服藥不立痊或稱神醫著有性原廣嗣書六卷行世內論人之壽夭在體質有元熱有元溫二端發明黃帝伯高論壽夭之基又辨巢元方病源論孕婦配定某經某藏某月養胎之謬皆從前

人之未言

吳傑

吳傑字士奇號腸谷武進人世醫與唐荆川相善荐入御醫房

徐鎔

徐鎔應天人研精醫理萬厯時校補金匱玉函要畧梓行行於世

翁仲仁

翁仲仁信州人業幼科善痘疹著有痘疹玉體金鏡錄三卷行世有辨察痘疹始結諸賦皆洋細透徹為痘疹之宗

幼科家尊信讀之

王曰達

王曰達古江州人崇禎時為太醫院御醫精究軒岐釋註
素問靈樞合類九卷行世

陸金

陸金字雲峰松江人世幼科著有小兒雜症捷法附翁仲
仁金鏡錄後

王三陽

王三陽明醫理得仲景之法著傷寒書行世

孫一奎

古今醫史

續增明

孫一奎字東宿號生生子休寧人精究醫理著有赤水玄珠十卷痘疹心印二卷行世

朱惠明

朱惠明善幼科明痘疹著痘疹傳心錄十卷行世

吳洪

吳洪精察幼科著痘疹會編十卷行世

吳應湯

吳應湯明朝人精幼科著慈幼痘疹說同十八卷行世

徐鏊

徐鏊正德間為太醫院醫士正德歿南巡鏊諫阻下獄遣戍

沈以潛

沈以潛沈繹性善醫太醫蔣武病荐以自代為御醫長于
詩杜門不妄交謠云騎驢教學張公瑾閉戶行醫沈以潛

古今醫史續增

本朝

施沛

施沛字沛然號笠澤明末華亭人好學精醫與秦景明李士材交善著有醫醫百則說療脉要精微藏府指掌經絡指掌各一小卷行世

秦昌遇 葉天生

秦昌遇字景明號廣野華亭人棄舉業習醫精幼科得望色知病之學治療有異見世稱神醫著有傷寒大白痘疹折衷幼科雜症二稿折衷已梓行而雜症未經刊刻婿天

古今醫史

續增 本朝

生得翁之學繼其術焉

趙叢菴

趙叢菴李時材全時人立方有卓見士材每稱之今之百
合固金湯即其遺也

李中梓

李中梓字士材號念菴先生華亭明經也博學精醫性聰
慧精軒岐博究群書名著江左負笈甚眾醫宗必讀十卷
頗生微論士材三書傷寒微寒上下兩卷內經知要上下
兩卷皆其所著行世

李
是

李是字叔期號辰山士材之極也著脉訣彙辨

喻昌

喻昌字嘉言原籍江西寄廬吳門性好學善醫研精靈素博究軒岐著有傷寒尚論篇寓意草醫門法律等書其集曰喻氏三書其尚論辨仲景傷寒一書由王叔和編次舛錯將已之序例冠首經文列後使仲景立法之意湮沒不明王履亦以叔和雜己意使客勝主方有執傷寒條辨論削去序例而條辨之不若愛禮存羊之為得自有尚論之作垂千古之奧誠為後學之宗也

張遂

古今醫史

續增

二

張遜字鄉子浙江錢塘之老醫與喻嘉言徐忠可友善釋
註仲景傷寒論編七卷行世

徐 株

徐株字忠可喻嘉言之高弟浙之杭州人少為舉業不就
治嘉言習醫所學不惑於師著有註解金匱玉函書神景
原方編次二書行世

張志聰

張志聰字隱菴錢塘人世業醫著傷寒宗印及註金匱要

畧醫林指月

程應旂

程應旂字郊倩原籍新安寄寓姑蘇少好學補博士弟子
員以儒術晉討究仲景之法明傷寒著有傷寒後條辨十
二卷脉法一冊行世

陸麗京

陸麗京杭州人善醫以濟世為心著有醫林新論一書行
世

黃泰灝

黃泰灝字伯淳葦城姜邑人學通諸子及陰陽術數著有
傷寒一書梓行

沈應暘

古今醫史

醫書本朝

沈應暘字繹齋京口人精醫明藥性著有明醫選要一書
行世

戈存桶

戈存桶字維城姑蘇楓鎮人世業醫工仲景之法吳人信
之著有傷寒補天石二集

虞博民

虞博民古婺人明醫善治雜病康熙時著有蒼生司命八
小卷行世

錢捷

錢捷字陶雲浙之象山人壬戌進士能文篤好醫理仕為

江南蘇州糧儲道

尤 乘

尤乘字生洲長洲人李士材之門人也性善研學研究群書尤工針灸仕太醫院侍直後隱居虎邱著有壽世青編增補藏府性鑑增補沈承之經絡博物知本等書

蔣示告

蔣示吉字仲芳長洲人世業醫善針灸著有醫宗說約六卷集雜症方藥為初學之捷徑又有望色氣微三卷本草靈素經文編論色診要問之學亦多所發明者也

錢子皋

古今醫史

錢子

四

錢子皋字鳴山號梅友京口人性高遠精研醫理著有醫學辨誤一書

張潞

張潞字賂玉號不頑老人姑蘇長洲人性聰孖學洋察精醫博究諸書家之書深得軒岐之奧所著有素靈約囊張氏通醫一十六卷傷寒續論傷寒緒論正宗三昧傷寒舌鑑傷寒兼症析義本經達原六卷釋註千金方衍義誠為醫之宗正也

蕭燠

蕭燠字賡六號慎齋嘉興人博學精醫著有證治經綸若

千卷女科經綸八卷

費啟泰

費啟泰字建中號德封順治間吳興人善於幼科深明痘疹謂世醫治痘偏于溫補遂著有救偏瑣言十卷論痘疹屬血極者十有八九故治法主于清涼解毒附入治驗醫藥使後學審症務要活潑其條亦三功居多矣

汪昂

汪昂字詡菴康熙時休寧明醫理參諸家著有素靈類參二卷醫方集解三卷本草備要四卷外附湯頭歌括經絡歌括皆簡約而用最候初學

古今醫史

續增

本朝

李用粹

李用粹字修之號惺菴康熙時人自浙徙居上海縣父以醫業浪遊十餘載比歸用粹年已長大始教習醫性聰慧治病多驗著有證治彙補八卷行世

周揚俊

周揚俊字禹載姑蘇人康熙丙戌副貢業儒習醫善傷寒集方中行喻嘉言兩先生註釋參以己見著有傷寒論三註十六卷溫熱暑疫全書行世

汪 璠

汪璠字芩友吳縣人篤好醫著有傷寒辨證十四卷中寒

三卷溫症論四卷行世

陳治

陳治字三農華亭人也幼孤事母有孝行性敏好醫博究諸書著有証治大還六種內係傷寒雜證女科幼科脉法藥性共梓行于世

葉桂

葉桂字天士號香崖又號上津老人聰明絕世讀書過目不忘醫紹祖子蕃公父楊生之學復得周搢俊四名醫之精病之極難摸索者一經診視指示灼然真乃吳中第一興之大名家也所輯本草經解臨證指南乃內人後學所得

也惜其南陽經解刪補慎虛遺書未曾刊出借會著述垂
後其指南一書後人藥簿隨手翻刻未足露其全領

王宏翰

王宏翰字惠源號浩然自華亭遷居姑蘇之西城博通儒
學明達醫理泰格致之功因女病精醫以醫濟世著有醫
學原摛十一卷古今醫史九卷古今醫籍考十二卷性原
光嗣六卷四診脈鑑大金九卷急救良方一冊本草性能
綱目四十卷分藥統例三十卷傷寒纂讀九卷刊補明醫
指掌十卷女科機要九卷怪症良方二卷壽世良方三卷
天地考九卷乾坤格鏡十八卷

柯琴

柯琴字韻伯慈溪人著素靈合璧傷寒來蘇集二書行世

羅美

羅美字澹生號東逸居虞山著明醫經論證治彙粹八卷
明醫方論四卷方論粹行於世醫者宗之

薛雪

薛雪字生白號一瓢好學能詩晚年精醫理著醫經原旨
瘟疫論等書行世

王子接 尤在涇

王子接字晉三吳郡人与蔡天士同時以儒適醫治療宗

仲景法而能隨泰變著絳雪同古方選註三卷人尤在涇
治註金匱要畧名曰心典

郭佩蘭

郭佩蘭李士材門人輯本草匯十二卷

沈李龍

沈李龍字雲將康熙間浙江人彙編食物本草十二卷行世

潘楫

潘楫字碩甫錢塘人註醫燈續焰二十一卷行世

繆松心

繆連義字方義晚號松心居士乾隆丁巳科進士以知縣

即用恬淡不樂仕進優游里閭以母病精醫年登大耋治病益加祥慎立方宗古法於脫化變通家精妙入微

柔治學十餘年頗蒙許可嘗言用藥南北各殊若江浙卑下之區稟氣多弱譬如植物隨土所宜當以輕劑治之製方全在巧思投之即効輕靈二字互為用也著刊傷寒集注溫熱朗旦等書其餘藏書甚多皆細加丹鉛手定甲子卒年八十有四

附錄王宏翰案

工部慕公字嘉玉者次子年十餘忽患頭項天柱骨軟
頤首於肩口流痰涎食減神衰諸醫治療半載餘不效
皆云係造樓房風水災害所損藥石難治以作痼廢矣
一日西席朱師請面延視浩然診兩手脉弦滑曰此風
府穴天柱骨被風邪惡風所傷非常法可治我能療之
若過半載則邪入骨髓難治今外用熨藥姜汁調塗以
晚蚕沙炒熱色變之以拔出邪氣內服祛風食血舒筋
壯骨消痰丸散酒服一月而項心又調治兩月而全愈

矣

廬州府太守張公諱純修字見陽者有公言在蘇偶外感
欬嗽延浩然診視服藥而利頓愈甚喜言虞山有一女子
年二十六患病愈後兩腿膝節直鞭不能伸屈者二年餘
諸醫不識服藥無効但飲食如常容顏紅潤以作廢疾夫
家素而不娶先生博學善於著述可能商療否浩然諾可
隨舟載而來診之兩尺脉無力乃病後生鬱氣滯血衰不
能營運脚膝節斷筋縮不舒期療半載可痊外用熨藥內
服虎骨膠藥酒及丸散等其熨藥用以桂羌麻芍煴細蘇
羌麻射香以姜汁調塗膝節續護以晚蚕沙炒熱盛兩袋

互熨之內服養血壯骨舒筋活絡等虎骨膠為君先歸杜
勝川彭香附巴戟杞菟等為佐浸酒早晚飲之晨用補元
開鬱理氣壯本等藥蜜丸滴送每半月一加減調治半載
脚膝能伸曲照常前愈夫婦完婚一年得子其夫來叩謝
張公稱為神虞山士民凡患症來就醫盈戶

一繆姓兒三歲患痰食驚風幼科諸醫止以鎮心定驚丸
散服至一月病勢危極但氣未絕棄兒於地夜夢神告曰
天醫可救隣樞來告其異哉請浩然往視不敢出口浩然
揆其意而往視曰此病雖危按脈腹堅鞭乃痰食結隔尚
可藥與滾瘦胆星九合消食丸共研姜湯服停二時胸腹

响動即大便下結糞數塊而愈正華院云病可而不可下
使人心胸脹滿煩亂而死所謂下則踈豁閉塞使滯去氣
通而生矣

浩然往婿金元貞家有隣兒十五歲每夜發熱天明即止
飲食如常諸醫或以外感或以勞怯服藥載餘無效伊母
叩診浩然診六服皆平惟右關独數有力思良久曰病緣
得矣叔和脉經云小腸有宿食有宿食常暮發熱明日復
止此兒飲食不節腸胃有積定香砂枳朮丸加橘皮麥芽
半夏為末荷葉湯送丸服兩月全愈

蘇藩庫大使朱國六之孺人患痛風二載不愈請浩然診

治述其病痛時週身皮肉手足痛極難忍惟飲燒酒醉之
痛稍止醒則復痛諸醫以風治或以血虛或以氣虛用藥
不效浩然診六脉弦滑曰頑痰症也燒酒性極熱飲之頑
痰少靜痛亦止非平常藥可治須大熱大寒及痰藥兼用
大劑可効浩然以芩連肉桂半夏胆星枳實白朮橘紅葛
花羌活大劑一貼長流水煎去渣加牛黃三厘緩服之
少頃熟睡一日方醒痛症脫然朱大使歡極叩謝後以橘
半枳朮丸加胆星茯苓製一觔服之不復發吳人稱爲神
醫

吳縣典史吳簡之之長子年二十吐血諸醫以瀉陰養血

寒涼之劑醫治一年病日沉重日夜喘汗出不能卧下
飲食不進危在旦夕延浩然診治曰六脉虛大按之空此
腸虛命門火衰將脫之兆非人參附桂五味不能救矣吳
曰血症用熱藥憑先生用之浩然曰令即性命交我無虞
用金匱方加人參五味煎服少頃覺體倦喘微熟睡一夜
平安次日血與喘皆不復起大進米粥隨用參湯送金匱
丸連服四日飲食倍進後以白朮茯苓河車骨脂枸杞人
參牛膝等製丸服半載永不復發耳

一庠生董孝若年近六旬性多鬱慮而不舒患項疽瘰癧
醫服解毒之劑經旬昏瞢危極皆云不治延浩然視之診

六脉虛大無根視疽生偏頂天池風池同項腫如水桶色黑不疼此平日勞心嗜酒腸胃痰積所致再用寒涼旦晚必危浩然曰尚有可救但愈後務必遠俗事用歸芍朮茯苓桂羌活橘紅三劑續加參芪杞附甘草出入加減其膏藥另煎溫暖之膏洗貼半月毒肉腐潰如岩止見筋骨危危首垂倍加參朮腐茸桂附服之另煎鹿茸桂附膏藥貼之頸不畏寒一月後其腹不疼大便下白痰如積廿餘日飲食大進又另煎參芪朮歸芍血竭生地生肌膏填入腐岩深處一月收口大半煎劑惟參芪朮苓歸牛肉桂巴戟固元藥百日餘收口愈後調理用參朮河車巴戟等溫補

元陽之丸元氣損復 但孝若病愈後自為體健復元壯
辛丸半載不肯再服浩然厚之曰凡患背疽背癰過脊者
則脊髓受傷元氣喪損乃九死一生也蓋脊屬督脉受藏
諸髓乃陽脉之綱領為生命之基也若背疽背癰近脊者
跨足太陽經蔑於肺膈厥陰膈心膈三穴者十生二三發
於魄戶膏肓神穴者危篤凡患前證非比尋常之毒雖幸
得愈務必絕慾戒勞慾善於靜養調攝者無損於壽藥用
復元固本止用溫補生精體之味慎戒附桂大勢之品蓋
溫補者有春和慶育之機辛熱有夏暑酷熱之燥方藥隨
時診脉詳審而加減常服四五年可以長齡子治高簡背

疽瘡後勸服三載延壽十二年著言告其伊子陶音勸父
勉服丸用河車首烏枸杞巴戟白朮茯神當歸人參橘皮
芡肉五味等藥加減夏用蜜丸冬用鹿角膠丸又服一載
有半後孝若延壽五年餘而殂豈不惜哉又一許姓者年四
十七得患項疽醫治七個月而愈後服調治復元丸半載
且不能靜養止延壽一年殂於舟中豈不哀者然此理諸
書未載而為醫者又不能參究其奧但痛醫博學精明者
百無一二而內科明外科者百中二三且病家家慳吝居
多若瘡後要其服藥疑反醫者設法貪謝不肯信任以致人
財俱喪尚貿貿然而不知悔者正謂重財喪命真痴愚不

覺末世情之通陋也夫

一鄭門寡婦患傷寒二十餘日諸醫用藥不效危殆旦夕
延浩然診視曰此夾食傷寒宿糞塞下部今若不下必死
華陀所云可下不下使人心腹脹滿煩亂而死危在頃刻
非黃龍湯不能效諸醫唯唯而已浩然用大黃五錢人參
一錢苓連枳朴芒硝一大利服之因藥力淺宿垢熱重病
人叫喊腹痛浩然倍加大黃人參煎服二時宿糞大下斗
許熱腫一日夜又糞大下睡一日夜方醒諸病脫然止用
大麥粉米粉糜粥調理而愈

吳氏一兒年十四歲患傷寒處斑大如棋子色如靛青遍

及周身諸醫以絕症不救。浩浩然診視曰：此熱毒深蘊，胃家已爛，必死難救。病家業之。浩浩深思良久曰：有藥一劑服之，可以倖生。用大黃一兩，芒硝六錢，石膏二兩，黃芩連翹，牛蒡子，水通竹葉，長流水煎服。夜半始下，黑糞無數，兩日斑暫退而得生。

一殷姓妻年四旬餘，停食傷寒，因胸食滯，六脈全力。諸醫悞用芩芍等補利，以致危篤。將死，邀浩浩診視曰：此夾食傷寒發斑，不出壅塞胸間。悞用補藥，危在頃刻。遂大用消食提斑解毒，連進兩貼，斑大從十餘日而愈。